

**ЎЗБЕКИСТОН RESPUBLIKASI
VAZIRLAR MAHKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 19 » ноябрь 20 19 у.

№ 916

Toshkent sh.

**Ўзбекистон Республикаси Жисмоний тарбия ва спорт
вазирлиги хузуридаги Спорт объектлари инфратузилмасини
ривожлантириш инжиниринг компанияси фаолиятини
ташkil этиш чора-тадбирлари тўғрисида**

Ўзбекистон Республикаси Президентининг “Жисмоний тарбия ва спорт объектларини куриш, реконструкция қилиш, капитал таъмирлаш ва жиҳозлаш ишларини молиялаштириш тартибини янада такомиллаштириш чора-тадбирлари тўғрисида” 2019 йил 26 августдаги ПФ–5787-сон Фармони ижросини таъминлаш мақсадида Вазирлар Маҳкамаси **қарор қилади:**

1. Ўзбекистон Республикаси Президентининг “Жисмоний тарбия ва спорт объектларини куриш, реконструкция қилиш, капитал таъмирлаш ва жиҳозлаш ишларини молиялаштириш тартибини янада такомиллаштириш чора-тадбирлари тўғрисида” 2019 йил 26 августдаги ПФ–5787-сон Фармонига асосан Ўзбекистон Республикаси Жисмоний тарбия ва спорт вазирлиги хузурида жисмоний тарбия ва спорт объектларини куриш, реконструкция қилиш ва капитал таъмирлаш ҳамда спорт инвентарлари билан жиҳозлаш лойиҳаларини амалга оширишда буюртмачи функциясини бажарувчи давлат унитар корхонаси шаклидаги Спорт объектлари инфратузилмасини ривожлантириш бўйича инжиниринг компанияси (кейинги ўринларда Инжиниринг компанияси деб аталади) ташkil этилганлиги маълумот учун қабул қилинсин.

2. Қуйидагилар Инжиниринг компаниясининг асосий вазифалари этиб белгилансин:

Ўзбекистон Республикаси Жисмоний тарбия ва спорт вазирлиги тизимидаги барча ташкилотларининг бино ва иншоотларини куриш, реконструкция қилиш, капитал таъмирлаш ҳамда спорт жиҳозлари ва инвентарлари билан таъминлаш;

спорт иншоотлари қурилишида белгиланган тартибда пудратчи ва лойиҳа ташкилотларини танлаш, пудрат шартномаларини тузиш, курилиш-тиклаш ишларининг сифатли ва ўз вақтида бажарилишини таъминлаш;

спорт иншоотларининг белгиланган истиқболли режаларда назарда тутилган муддатларда фойдаланишга топширилишини таъминлаш;

лойиҳа ечимларининг самарадорлигини, шаҳарсозлик нормалари ва қоидалари ҳамда архитектура талабларига мос келишини таъминлаш;

спорт объектларини спорт инвентарлари билан жиҳозлаш;

халқаро федерациялар (уюшмалар) талабларига жавоб берадиган спорт иншоотларини барпо этиш мақсадида хорижий мутахассисларни (дизайнерлар, конструкторлар, спорт йўналишлари бўйича бошқа мутахассислар), пудратчи ва лойиҳа ташкилотларини шартнома асосида жалб қилиш;

амалдаги қурилиш меъёрлари ва қоидаларини, спорт иншоотларининг намунавий лойиҳаларини такомиллаштириш мақсадида хорижий тажрибани ўрганган ҳолда энергиятежамкор ҳамда бино ва иншоотлардан фойдаланиш самарадорлигини оширадиган технологиялар ва қурилиш материалларини қўллаш бўйича таклифларни ишлаб чиқиш.

3. Қуйидагилар Инжиниринг компанияси фаолиятини молиялаштириш манбалари этиб белгилансин:

жисмоний тарбия ва спорт объектларини, жисмоний тарбия ва спорт тизимининг маъмурий биноларини ва бошқа иншоотларини қуриш, реконструкция қилиш ва капитал таъмирлаш қийматидан ажратмалар;

халқаро ва хорижий молия институтлари, ҳукумат ва ноҳукумат ташкилотларнинг грантлари ва техник кўмаклашиш маблағлари;

жисмоний ва юридик шахсларнинг, шу жумладан, Ўзбекистон Республикаси норезидентларининг ҳомийлик хайриялари;

жамғарманинг вақтинча бўш маблағларини жойлаштиришдан тушадиган даромадлар;

конун ҳужжатлари билан тақиқланмаган бошқа манбалар.

4. Инжиниринг компаниясига спорт объектларини халқаро федерациялар (уюшмалар) стандартларига ҳамда халқаро мусобақалар ўтказиш талабларига жавоб берадиган иншоотлар қурилишини таъминлаш мақсадида, зарурат бўлганда, спорт объектларининг лойиҳа ҳужжатларини ишлаб чиқишда ва қурилиш-монтаж ишларини амалга оширишда хорижий мутахассисларни, жумладан, пудратчи ва лойиҳа ташкилотларини белгиланган тартибда жалб қилишга рухсат берилсин.

5. Белгилаб қўйилсинки, Ўзбекистон Республикаси Жисмоний тарбия ва спорт вазирлиги жисмоний тарбия ва спорт объектларини жиҳозлаш бўйича манзилли дастури лойиҳасини ҳар йили 1 декабрга қадар Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда, мазкур мақсадлар учун Ўзбекистон Республикаси Давлат бюджети параметрларида назарда тутилган маблағлар доирасида шакллантиради ва Вазирлар Маҳкамасига тасдиқлаш учун киритади.

6. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари белгиланган тартибда 2019 йил 1 декабрга қадар 2020 йил Инвестиция дастурига киритилган спорт объектларида лойиҳа-смета ҳужжатлари, қурилиш, реконструкция қилиш ва капитал таъмирлаш ишлари юзасидан тузилган шартномалар бўйича ҳуқуқ ва мажбуриятларнинг Инжиниринг компаниясига топширилишини таъминласин.

7. Инжиниринг компанияси Ўзбекистон Республикаси Жисмоний тарбия ва спорт вазирлигининг Тошкент шаҳар, А.Қодирий кўчаси, 2-уй манзилида жойлашган биносига текин фойдаланиш ҳуқуқи асосида жойлаштирилсин.

8. Ўзбекистон Республикаси Жисмоний тарбия ва спорт вазирлиги:

бир ой муддатда Инжиниринг компаниясининг тузилмаси ва уставини тасдиқласин;

Инжиниринг компаниясини малакали кадрлар билан тўлдириш чораларини кўрсин;

манфаатдор вазирлик ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари А.А. Абдуҳакимов ва Ўзбекистон Республикаси жисмоний тарбия ва спорт вазири Д.Х. Набиев зиммасига юклансин.

**Ўзбекистон Республикасининг
Бош вазири**



А. Арипов